



續通志

叛臣傳

三

按叛臣傳仿自新唐書宋以後各史因之瘴惡宜昭洵於史裁允當五代史叛臣原係雜傳茲為補編遼史則仍其闕謹加案聲明

臣等謹案叛臣傳亦仿自新唐書宋以後各史因之與姦臣逆臣為類較之舊史體例彌為嚴密考諸背畔之臣罪不容誅彙而列之併各著其禍變之由覆敗之蹟不惟瘴惡宜昭亦於史裁允當五代史統歸列傳茲案事實補編遼史無叛臣傳而於姦逆二門所載已詳茲不更為析置焉

唐一

僕固懷恩

周智光

梁崇義

李懷光

陳少游

李錡

僕固懷恩鐵勒部人

按通鑑作勅勒部與此異謹識

貞觀二十年鐵勒

九姓大首領率眾降分置瀚海燕然金微幽陵等九都

督府別為蕃州以僕骨歌濫拔延為右武衛大將軍金

微都督訛為僕固氏生乙李啜

按舊書作乙李啜拔與此異謹識

乙李

啜生懷恩世襲都督懷恩善戰曉識戎情部分謹嚴安

祿山反為左武鋒使從朔方節度郭子儀討賊雲中破

之敗薛忠義於背度山殺七千騎禽忠義子下馬邑進

會李光弼戰常山趙郡沙河嘉山走史思明肅宗即位

與子儀赴靈武時同羅部落叛祿山北掠朔方子儀率

懷恩迎擊懷恩子玢戰敗降虜已而自拔歸懷恩怒叱

斬之將士股栗皆殊死戰遂破同羅收器械駝馬甚眾

帝又詔與燉煌王承寀使回紇請師回紇聽命至德二

載從子儀下馮翊河東走賊將崔乾祐襲潼關破之賊

將安守忠李歸仁苦戰二日官軍敗績懷恩至渭水無

舟抱馬鬣以逸收散卒還河東子儀赴鳳翔李歸仁以

勁兵邀戰於三原子儀使懷恩與王升陳回光渾釋之

按鐵勒部通鑑作勅勒部乙李啜
舊書作乙李啜拔所載互異並加案
聲明

李國貞五將軍伏白渠下。賊至遇伏，敗而走。又戰清渠，不利。引還。時回紇使葉護帝，得以四千騎濟師。南蠻大食等兵亦踵至。帝乃詔廣平王為元帥，子儀為副使。懷恩統回紇兵從王，戰香積寺北。賊以一軍伏營左，懷恩馳掩之，馘斬無遺。賊氣沮，既合戰，以回紇夾攻，戰酣，脫甲援矛，直擣賊陣，衆驚靡。會李嗣業亦鏖鬪，賊遂大潰。日暮，懷恩見王曰：「賊必棄城走，願假二百騎縛安守忠。」李歸仁等致麾下，王不從。又固請，通夕四五反，遲明，謀至。守忠等果遁去。又從王破賊於新店，以復兩京有殊。

功詔加開府儀同三司、鴻臚卿，封豐國公，賜封二百戶。從郭子儀破安太清，下懷衛二州，攻相州，戰愁思岡，常為先鋒，勇冠軍中。乾元二年，拜朔方行營節度使，進封太寧郡王。懷恩為人剛決，犯上，始居偏裨，意有不合，雖主將必折詬。其麾下皆蕃漢勁卒，恃功多不法。子儀政寬，能優容之。及李光弼代子儀，懷恩又副之。從光弼守河陽，攻懷州，降安太清，皆摧鋒陷陣。其子瑒亦善鬪，以儀同三司將兵，每深入，賊憚其勇。光弼持法嚴，少假貸。初，會軍汜水，朔方將張用濟後至，斬燾下。懷恩心憚光

按藥子昂舊書藥作樂互異謹
加聲聲明

弼自用濟誅常邑邑不樂及光弼與史思明戰邛山不用
令以覆官軍帝思其功召入為工部尚書寵以殊禮代
宗立拜隴右節度使未行改朔方行營節度以副子儀
初肅宗以寧國公主下嫁毗伽闕可汗又為少子請昏
故以懷恩女妻之少子立號登里可汗而懷恩女為可
敦寶應元年帝召兵於回紇而登里可汗已為史朝義
所誘引眾犯邊關中大震帝遣殿中監藥子昂按舊書
作樂子
昂互異
謹識勞之可汗因請見懷恩及其母有詔報可懷恩避
嫌不往帝賜鐵券手詔固遣乃行與可汗會太原可汗

大悅遂請和助討朝義即引兵屯陝州待師期於是雍
王以元帥為中軍拜懷恩同中書門下平章事為之副
時諸節度皆以兵會次黃水賊堅壁自固懷恩陣西原
多張旗旛使突騎與回紇稍南出繚賊左舉旗為應破
賊壁死者數萬朝義擁精騎十萬來援短兵接殺獲相
當魚朝恩令射生五百攢矢注射賊多死而陣堅不可
犯馬璘怒單騎援旗直進奪兩盾賊辟易大軍乘以入
眾囂不止朝義敗斬首萬六千級禽四千餘人降者三
萬轉戰石榴園老君廟賊再敗自相犇蹂死朝義輕騎

按李達盧名舊書倒置與此異
謹加案聲明

走懷恩進收東都河陽封府庫無所私釋賊所署許叔
冀王佺等衆皆按堵留回紇屯河陽使瑒及北廷兵馬
將高輔成以萬騎逐北懷恩常壓賊而次至鄭州再戰
再捷賊帥張獻誠以汴州降下滑州朝義至衛州與其
黨田承嗣李進超李達盧按舊書作李盧達與此互異謹識合有衆四
萬據河以戰瑒濟師登岸薄之賊黨奔潰進次昌樂朝
義逸偽帥達盧降薛嵩李寶臣舉相衛深定等九州獻
款朝義至貝州得其黨薛忠義引衆三萬拒瑒於臨清
賊銳甚瑒令高彥崇渾日進李光逸設三伏以待賊半

渡伏發擊之朝義走會回紇以輕騎至瑒卷甲馳之大
戰於下博賊背水而陣官軍衝擊賊大奔積尸蔽流而
下朝義退守莫州於是都知兵馬使薛兼訓郝廷玉充
鄆節度使辛雲京會師城下朝義與田承嗣數挑戰不
勝朝義懼率殘衆奔幽州官軍追躡朝義走平州自經
死田承嗣等皆降河北平懷恩與諸將罷兵以功遷尚
書左僕射兼中書令河北副元帥朔方節度使加封戶
四百懷恩自見功高且賊平則勢輕不能固寵乃請悉
裂河北地分大鎮以授薛嵩等潛結其心為助而嵩等

卒據以為患云。未幾加太子少師，增戶五百。第一區與一子五品官。詔護回紇歸國，道太原，辛雲京以懷恩與回紇親，疑其召戎，且懼可汗見襲，閉關不敢犒軍。懷恩既父子新立功，而為雲京所拒，大怒，表上其狀。頓軍汾州，會監軍駱奉先使於雲京，雲京厚結其歡。因言懷恩與可汗約，反狀甚明。奉先還過懷恩，懷恩以次日端午欲留之。奉先固辭，懷恩即遣左右匿其馬。奉先疑圖已乘夜遁歸，懷恩驚，追與其馬。奉先還具奏，懷恩反狀。懷恩亦請誅雲京。奉先詔兩解之。廣德初，進拜太保，與一

子三品，一子四品官，增封戶五百。瑒與一子五品官，封戶百。仍賜鐵券，以名藏太廟。畫象凌烟閣。又以瑒檢校兵部尚書，朔方行營節度使。然懷恩怏怏，又性彊戾，遭讒無以自解，乃上書自陳其功，伐詞甚慢狠。帝一不為憚，且欲其悔過，故推心待之。詔宰相裴遵慶使汾州諭旨。因察其去就，遵慶至，懷恩抱其足泣，且訴。遵慶因道帝意不疑，勸令入朝。懷恩許諾。副將范志誠諫以為嫌隙成矣，奈何入不測之朝，獨不見來。瑒李光弼乎？二臣功高不賞，瑒已及誅，懷恩乃止。欲使一子入宿衛，志誠

固止。御史大夫王翊使回紇還。懷恩慮洩其交通狀。因留不遣。即使瑒攻雲京。雲京敗。進攻榆次。尚書右丞顏真卿言於帝曰。懷恩將士皆郭子儀舊部曲。陛下若以子儀代之。喻以逆順。必相率而歸。從之。子儀至河中。瑒攻榆次未拔。其偏將焦暉。白玉等斬其首獻闕下。懷恩聞之以告母。母曰。我戒汝勿反。今衆變禍且及我。奈何。懷恩再拜出。母提刀逐之曰。吾為國殺此賊。取其心以謝軍中。懷恩走。乃與部曲三百北渡河。走靈武。稍稍引亡命。餘衆聞子儀至。東甲來歸者數萬。帝念懷恩舊勲。

不加罪。詔輦其母歸京師。厚卹之。以壽終。又下詔拜懷恩太保。兼中書令。太寧郡王。罷餘官。懷恩怙惡不能改。遂誘吐蕃十萬入塞。豐州守將戰死。進掠涇邠。祭來瑱墓。渡涇水。邠寧節度使白孝德禦之。覆其陣。懷恩入侵。奉天。子儀拒退之。永泰元年。帝集天下兵防秋。懷恩誘合諸蕃。號二十萬入寇。吐蕃自北道逼醴泉。以搖奉天。任數。鄭廷郝德自東道寇奉先。以窺同州。羌渾奴刺自西道略藍屋。趣鳳翔。京師震駭。詔子儀屯涇陽。渾日進。白元光屯奉天。李光進屯雲陽。馬璘郝廷玉屯便橋。董

秦屯東渭橋。駱奉先。李日越。屯藍屋。李抱玉。屯鳳翔。周智光。屯同州。杜冕。屯坊州。帝御六軍。屯苑中。下詔親征。懷恩至鳴沙縣。病甚。還死。靈武部曲焚其尸。以葬。部將張韶。徐璜。王不能定其軍。皆前死。范志誠。統衆寇涇陽。時諸屯堅壁。賊不得進。吐蕃既持久。又與回紇爭長。更相疑。莫敢先進。因焚廬舍。驅男女數萬去。周智光邀戰。澄城破之。收馬牛軍資萬計。回紇乃詣子儀降。請擊吐蕃。自效。子儀分兵隨之。破吐蕃於涇州。任敷敗走。羌渾詣李抱玉降。始懷恩立功。門內死。王事者四十六人。及

拒命。士不弛甲。凡三年。帝隱忍。數下詔。未嘗聲其反。及死。為之惻然。曰。懷恩不反。為左右所誤耳。俄而從子名

臣以千騎降。大歷四年。冊懷恩幼女為崇徽公主。嫁回

紇。云。按僕固懷恩。交通回紇。拒命稱兵。雖由駱奉先。辛

後卒。殺順勢。不必絕。而懷恩逆節昭然。情無可憫。乃代

宗隱忍。不聲其罪。而又養其逆女為公主。仍嫁回紇。措

置如此。安望其能恢復。取伏讀通鑑輯覽。御批。以唐室陵夷。馴至於亡。追責代宗措置之失。誠探本之

謹按通鑑輯覽

御批備責代宗措置僕固懷恩之失。誠探本之論。恭遵錄識。加案聲明。

御批

論恭識於此

周智光。少賤。失其先系。以騎射從軍。為裨將。魚朝恩鎮陝州。與相昵。數稱薦之。累遷同華二州節度使。永泰元

年破吐蕃回紇党項羌渾奴刺等衆於澄城逐北至鄜州素仇杜冕時冕屯坊州家在鄜智光入殺刺史張麟坑冕家屬八十人火民舍三千而去朝廷召懼不赴更詔冕使梁州避讎冀其來偃然不聽命聚不逞數萬恣剽掠殺陝州監軍張志斌及前虢州刺史龐充初志斌自陝入秦智光慢不為禮志斌責之怒曰僕固懷恩豈反者邪皆鼠輩弄威福趣之禍也我本不反今為汝反遂叱斬志斌時崔圓自淮南納方物百萬智光強留其半又劫諸節鎮貢奉物及轉運米二萬士沿調當西者

懼何詰間道走同州智光遣部將邀捕斬之代宗未暴其罪命中使余元仙持詔拜尚書左僕射智光恚曰吾有大功上不與平章事因言諸子皆萬人敵挾天子令諸侯非智光誰可即歷詆大臣元仙震汗徐遺百緡遣之大厯二年詔郭子儀密圖之子儀得詔聲言討之未行其衆大攜部將李漢惠自同州降子儀乃貶智光澧州刺史貸將吏不問尋為帳下斬首并斬子元耀元幹來獻詔梟首皇城南街判官邵音別將蔣羅漢竝伏誅梁崇義京兆長安人以槩量業於市有膂力後為羽林

射生事來瑱。沈默寡言。累遷為偏裨。瑱自襄陽朝京師。分諸將戍福昌。南陽瑱誅戍者潰。崇義自南陽勒眾還襄州。與李昭薛南陽相讓為長。眾推崇義。遂總其軍。殺昭及南陽以脅眾心。代宗即拜節度使。奄有襄漢七州。地帶甲二萬。與田承嗣李正己薛嵩李寶臣相輔。車根牙槃結。獨以地褊兵少。於是明法令。折節遇士。以自振。所親數諷入朝。答曰。來公有大功。遭讒見族。吾釁盈矣。若何見上。建中元年。李希烈請討之。崇義懼。整飭軍旅。男子郭昔上變。德宗欲示以信。流昔遠方。詔金部員外

郎李舟諭旨。初。劉文喜之難。舟奉詔入涇州。俄帳下斬文喜。四方傳舟能覆軍殺將。反側者皆惡之。舟至。勸崇義入朝。崇義不悅。明年遣使慰撫諸道。舟復如崇義所。遂不內。請易它使。由是益不安。朝廷欲示以不疑。乃加同中書門下平章事。妻及子悉封賞。賜鐵券。擢其將蘭杲為鄧州刺史。遣御史張著以手詔召崇義。崇義使卒持滿以待。不受命。帝命李希烈率兵進討。崇義先攻江陵。欲通黔嶺。敗於四望。而還。屠臨漢屯兵千餘。希烈怒。引兵循漢而上。破其將翟崇暉。

按舊書作翟暉與此異謹識

杜少誠

於蠻水至涑口又大敗之二將降希烈使部本兵循襄陽安撫百姓崇義閉壁守者斬闕出不可止乃與妻赴井死傳首京師希烈誅其親族及軍從臨漢役者二千人

按舊書作三十人互異謹識悉斬之

李懷光渤海靺鞨人本姓茹父常徙幽州為朔方部將以戰多賜姓李更名嘉慶懷光在軍積勞至開府儀同三司為都虞候勇鷙敢誅殺雖親屬無所貸節度使郭子儀委任之母喪起邠寧慶都將德宗立罷子儀副元帥以所部兵分諸將故懷光檢校刑部尚書為邠寧慶

晉絳慈隰等州節度使引眾城長武據原首臨涇水以扼吐蕃自是不敢南侵建中初楊炎欲城原州使懷光兼帥涇原原州宿將史抗溫儒雅等故子儀麾下嘗在懷光右及處其下意鬱鬱懷光因罪誅之涇軍悚畏劉文喜者因眾懼遂叛詔與朱泚討平之加檢校太子少師明年徙朔方節度使實封戶四百仍領邠寧時馬燧李抱真討田悅未克而朱滔王武俊皆反連兵救悅詔懷光以朔方兵萬五千并力懷光至魏未陣與朱滔等戰連篋山

按舊書作
愜山謹識

為賊所敗悅因決水灌軍燧等退

屯魏縣。尋進同中書門下平章事。益戶二百。與滔等相持不戰。帝狩奉天。懷光率所部奔命。方雨淖。奮厲軍士。倍道進。自蒲津絕河。敗泚軍於醴泉。將抵奉天。先遣張韶以蠟韜表。隨賊攻城。逾塹呼城上人曰。我朔方使也。縋而上。比登。身被數十矢。時帝被圍急。聞之喜。即持韶大號城上。人心乃安。又敗賊於魯店。泚解圍去。進加副元帥。中書令懷光為人疏而復。誦言欲見帝。請誅宰相。盧杞懼。即說帝令懷光席勝滅賊。帝不得其情。因敕懷光無朝。督諸將進討。懷光自以徑千里赴難。為姦臣限。

隔不得朝。頗恚恨。屯咸陽。數暴杞等罪。帝為貶杞。與趙贊白志貞。又劾奏中人翟文秀。亦殺之。以慰懷光。然益自疑。堅壁八旬不出。屢詔使進軍。以伺釁為解。陰連朱泚。初崔漢衡使吐蕃求助兵。蕃相尚結贊曰。吾法進軍。以本兵大臣為信。今制書不署懷光。未敢前。帝乃命翰林學士陸贄詣懷光議事。懷光執言不可者三。卒不肯署。又嫚罵贄曰。爾何能興元。元年詔加太尉。賜鐵券。懷光赫然怒曰。凡疑人臣反。則賜券。今授懷光是使反也。抵於地。時部將韓游瓌將兵衛奉天。懷光約令為變。游

瓌以聞數日。又密書趣之。門者捕送。又遣將趙升鸞謀於奉天。升鸞告渾瑊曰。懷光遣達奚承俊火乾陵。使我為內應。以脅乘輿。瑊白發其姦。請帝決幸梁州。帝自西門出。詔戴休顏守奉天。時李晟已移軍渭橋。懷光乃奪李建徽。楊惠元等軍屯好畤。然其下稍稍攜貳。泚初憚之。至是欲遂。臣懷光。懷光怒。告絕。益不自安。乃引兵掠涇陽。三原。富平。遂如河中。留張昕守咸陽。而孟涉。段威。勇擁兵降李晟。韓游瓌殺昕。以邠州歸。詔以懷光為太子太保。許其麾下擇功高者一人統其兵。不奉詔。懷光

至河中。取同絳二州。按兵觀望。李晟收京師。遣給事中孔巢父。中人啖守盈。召之。皆為懷光帳下所害。於是繕兵嚴守。帝乃遣渾瑊討之。瑊破同州。屯軍不得進。數為懷光所衄。帝以河東節度使馬燧威名素著。乃拜副元帥。與瑊及鎮國駱元光。邠寧韓游瓌。鄜坊唐朝臣。會兵進討。燧拔絳州。諸軍遂圍河中。貞元元年朔方部將牛名俊斬懷光。傳首以獻。帝念其功。詔許一子嗣。賜莊第各一區。聽以禮葬。妻王徙澧州。初懷光死。其子雅盡殺其弟。乃死。故懷光無後。五年。詔以外孫燕為後。賜姓李。

名曰承緒

陳少游博州博平人幼習老子莊周書為崇玄館學生諸儒推引講經援據淹該問窮而對有餘大學士陳希烈賞之擢第補南平令治有聲累遷侍御史回紇糧料使加檢校職方員外郎僕固懷恩表署河北副元帥判官遷晉鄭二州刺史少游長權變以幹濟稱而賄謝權幸以是數遷李抱玉表澤潞副使為陳鄭留後永泰中復奏為隴右行軍司馬擢桂管觀察使少游規徙近鎮時宦官董秀掌樞密用事少游乃宿其里候歸沐入謁

厚賄之秀大喜時少游已納賂元載子仲武於是內外交薦改宣歙池觀察使大厯五年徙浙東封潁川縣子遷淮南節度使喜謫數行小惠羣吏任職三總大藩皆天下富饒處以是斂求貿易無虛日積財寶巨萬初賂元載歲無慮十萬緡又事宦官駱奉先劉清潭吳承倩及秀故能久其任後載以過見疑少游即疏之載子伯和謫揚州少游陽與善而陰奏其罪代宗以為忠李納拒命少游出師收徐海等州俄棄之退屯盱眙累進檢校尚書左僕射賜封戶三百加同中書門下平章事時

宰相闕播盧杞與少游有雅故故驟兼台司德宗幸奉天度支汴東兩稅使包佶寓揚州所儲財賦八百萬緡將輸京師少游意朱泚勢盛不遽平欲脅取其財使判官崔頴就佶索文簿貸二百萬緡佶以非救命拒之頴大怒去佶謁少游欲諫止不得於是財用悉為少游所掠佶奔白沙少游又遣判官房孺復召之佶驚走渡江伏妻子案牘中以免佶有禦遏兵三千令高越元甫將焉少游奪之能隨佶者至上元復為韓滉所留佶但領諸史如江鄂等州以表內蠟丸以聞會少游使至帝詰

其事辭以不知時禍難煽結帝未能制乃曰少游國之守臣取佶財以防它盜庸何傷少游聞之果自安不疑李希烈陷汴聲言襲江淮少游懼遣叅謀温述送款又使巡官趙誥如鄆州厚結李納希烈僭號遣將楊豐齎偽赦令送少游壽州刺史張建封邏得之斬豐以偽赦送行在會佶入朝具言少游脅財賦狀少游懼上表言所取以贍軍興請償之而州府破殘不能償乃與腹心吏設法重稅民皆苦之劉洽取汴州得希烈偽起居注書某月日陳少游上表歸順少游聞羞悻發病死

李錡。淄川王孝同五世孫。以父國貞蔭。調鳳翔府參軍。貞元中。累遷宗正少卿。歷杭湖二州刺史。李齊運用事。錡以賂結其歡。居三歲。遷潤州刺史。浙西觀察。諸道鹽鐵轉運使。多積奇寶。歲時奉獻。德宗寵之。錡恃恩。驕橫。得專推酒漕。運多乾沒。國計日耗。浙西布衣崔善貞。上書闕下。暴其罪。帝械以賜錡。錡坑殺之。乃益募兵。選善射者為一屯。號挽硬。隨身以胡奚雜類。虬須者為一將。號蕃落健兒。皆錡腹心。養為假子。稟給十倍。故樂為用。帝於是復鎮海軍。以錡為節度使。罷領鹽鐵轉運。錡喜。

得節。暴倨日甚。屬吏多不以罪死。又逼汚良家。寮佐力諫。不能得。遽遁去。憲宗即位。方鎮稍稍入朝。錡不自安。亦請覲。有詔拜尚書左僕射。以御史大夫李元素代之。中使馳驛勞問。兼撫慰其軍。錡署判官王澹為留後。錡無入朝意。稱疾遷延不行。澹及中使數趣之。錡不悅。乘澹視事有所變更者。諷親兵圖澹。以給冬服。日澹與中使入謁。眾持刀殺澹。食之。監軍使遣牙將趙琦慰諭。又齎食之。以兵注中使頸。錡陽驚。解救。囚之別館。蕃落兵薛頡主之。挽硬兵李鈞主之。又以公孫玠韓運分總餘。

軍室五劍。授管內鎮將。令殺五州刺史。屬別將庾伯良兵三千。築石頭城。謀據江左。常州刺史顏防用其客李雲謀。矯詔稱招討副使。殺鎮將李深。傳檄蘇湖杭睦四州。同討錡。湖州辛秘亦殺鎮將趙惟忠。而蘇州李素為鎮將。姚志安所執。獻於錡。錡敗而免。憲宗以淮南節度使王鐔為諸道行營兵馬招討處置使。中官薛尚衍為都監。招討宣慰使。發宣武武寧武昌淮南宣歙江西浙東兵。自宣杭信三州進討。時錡以宣州富饒。遣兵馬使張子良李奉仙田少卿領兵三千。分下宣歙池。錡甥裴

行立。雖預謀而欲效順。故相約還兵。執錡。子良等諭軍中曰。僕射反矣。精兵四面皆至。勢蹙且敗。吾輩當轉禍希福。部衆大悅。遂迴戈趣城。行立舉火。內外合譟。行立攻牙門。李鈞引兵出鬪。行立兵貫出其中。斬鈞。傳首城下。錡聞之。舉族慟哭。子良以監軍命。曉諭城中。且呼錡束身還朝。左右以幕縋錡而出之。送至京師。與子師回並腰斬於城西南。擢子良檢校工部尚書。左金吾將軍。封南陽郡王。賜名奉國。田少卿檢校左散騎常侍。左羽林將軍。代國公。李奉仙檢校右常侍。右羽林將軍。邠國

公裴行立沁州刺史贈王澹給事中趙琦和州刺史崔善貞睦州司馬削錡屬籍從弟宋州刺史鉅通事舍人銑從子師偃流嶺南

卷六百二十一

續通志

叛臣傳

唐二

李忠臣

喬琳蔣鎮劉闢

高駢呂用之秦彥

朱玫

王行瑜

陳敬瑄 李巨川

李忠臣本董秦也幽州薊人少籍軍以材力奮事節度使薛楚玉張守珪安祿山等甄勞至折衝郎將平盧軍先鋒使祿山反劉正臣殺偽節度呂知晦按晦字舊書作誨小異謹

講擢秦兵馬使攻長楊戰獨山襲榆關北平殺賊將申子貢榮先欽執周釗送京師又從正臣敗李歸仁李咸白秀芝等潼關失守秦整軍北還奚王阿篤孤初引眾與正臣合詐約俱攻范陽至后城乘夜襲秦秦接戰敗之追至溫泉山禽首領阿布離斬以釁鼓正臣卒眾推王玄志為節度玄志使秦率兵三千自雍奴桴葦絕海擊賊將石帝廷烏承洽轉戰累日拔魯城河間景城收糧資以實軍又與田神功下平原樂安禽偽刺史以獻於是防河招討使李銑承制假秦德州刺史史思明自

歸河南節度使張鎬督秦軍平河南州縣又與裨將陽惠元破安慶緒將王福德於舒舍肅宗下詔褒諭令屯濮州又徙韋城從郭子儀圍相州軍潰秦至滎陽破賊將敬鈺獲糧二百艘以餉汴軍未幾授濮州刺史屯杏園渡許叔冀以汴下史思明秦力屈亦降與俱寇河陽秦夜挈五百人冒圍歸李光弼詔加殿中監封戶二百召至京師賜今氏名給良馬甲第時陝西神策兩節度使郭英乂衛伯玉屯陝以忠臣為兩軍兵馬使戰永寧莎柵與賊將李感義按舊書作李咸義小異謹識等數十遇皆破之

按原傳作汝仙蔡六州節度使舊書作淮十一州節度使並有訛謬今依方鎮表改正謹加案聲明

淮西節度使王仲昇為賊執以忠臣為汝蔡十六州節

度使

按本傳作以李忠臣為汝仙蔡六州節度使舊書作淮十一州節度使據方鎮表淮南西道節度於

上元二年增領陳鄭等九州治安州號淮西十六州節度使無所謂六州與十一州節度也新書六字上係脫十字而舊書十一州一字係六字之訛耳但仙州於大歷元年始增入淮西至五年復省此時淮西不應有仙州今並改

正謹識

兼安州合諸軍平東都進御史大夫回紇可

汗既歸留其下安恪石帝廷居河陽守貲廩因是招亡命為盜道路畏澀詔忠臣討定之僕固懷恩引吐蕃犯京師天子徵兵使者至淮西忠臣即日進發諸將白須良日忠臣怒曰君父在難何暇擇日時召兵無先忠臣

至者代宗嘉之加本道觀察使賚與倍等周智光反忠

臣討之會智光敗忠臣以收華州為名所過大掠自赤

水距潼關二百里無居人大歷五年加蔡州刺史陝虢

李國清為下所逐掠府庫國清徧拜諸將乃免會忠臣

入朝次陝詔訊於眾眾懼忠臣不敢搖即圍棘約士投

所掠物圍中一日盡獲討李靈耀也戰西梁固敗之復

與馬燧軍合敗賊於汴州田悅以援兵三萬屯汴郭忠

臣遣將襲敗之悅軍遁去以忠臣為汴州刺史加檢校

司空同中書門下平章事封西平郡王忠臣婪沓嗜色

逼將士婦女與亂。所至人苦之。又以妹壻張惠光為牙將。恃勢殘刻。惠光子居牙下。亦橫肆。十四年。大將李希烈因眾怒。與少將丁暉賈子華等共斬惠光父子。以兵脅逐忠臣。單騎奔京師。帝素寵之。不責也。復授檢校司空。同中書門下平章事。奉朝請。忠臣既失兵。常怫鬱。朱泚反。偽署司空兼侍中。泚攻奉天。以忠臣居守。泚敗。忠臣走樊川。李晟將士擒之。繫有司。與其子俱誅。

喬琳。并州太原人。少孤貧。志學。擢進士第。性誕蕩無禮檢。郭子儀表為朔方府掌書記。尋拜監察御史。與同舍

畢曜相掉訐。貶巴州司戶參軍。歷果綿遂懷四州刺史。治寬簡。不親事。琳素善蒲人張涉。涉以侍讀德宗東宮。及即位。召訪政事。薦琳堪大用。乃拜御史大夫。同中書門下平章事。琳年高且瞶。每進對失次。所言不厭。帝旨。在位閱八旬。以工部尚書罷。帝由是亦疎涉。琳從幸奉天。再遷太子少師。再幸梁州。次盤屋。詭言馬殆。不進。帝素以舊老禮之。給乘輿馬。辭病。帝悵然。賜所執策曰。勉為良圖。與卿別矣。不數日。祝髮舍仙游寺。朱泚聞。遣數十騎取之。署吏部尚書。及收京師。李晟憫其老。表貫死。

按喬琳傳後附載蔣鎮事卷目失
載今補正謹加案聲明

帝曰琳故宰相失節背義不可赦命斬之又有蔣鎮者
按唐書喬琳傳後附載蔣鎮事蹟致鎮父子兄弟并汚
逆賊應存以示懲而唐書卷目失載謹補注而並誌於
此洌之子與兄鍊俱以文辭顯擢賢良方正科累轉諫
議大夫進工部侍郎妹壻源溥者休弟也故鎮與休交
泚叛竄於鄆傷足不能進泚先得鍊而鎮左右逃歸語
所在源休聞白泚以二百騎求得之署偽宰相復謀出
奔懦不能決中朝臣遁伏者休多所誅殺賴鎮救原十
之五及收京師與兄鍊並斬於東市西北街初洌與弟
渙在安史時皆汚偽官鍊兄弟復屈於賊云

按劉闢傳舊附韋臯傳後今改入
叛臣謹加案聲明

劉闢

按唐書劉闢傳附載韋臯
傳後今改歸叛臣謹識

字太初擢進士宏詞科

佐韋臯府累遷御史中丞度支副使臯卒闢自為留後
諷諸將上表請旌節憲宗不許以給事中召之不奉詔
時帝新即位欲靜鎮四方即拜檢校工部尚書劍南西
川節度使闢意帝可動益驚蹇吐不臣語求統三川欲
以所善盧文若節度東川即以兵取梓州宰相杜黃裳
言闢妄書生可一鼓而俘也薦高崇文李元奕等將神
策行營兵皆西使嚴礪李康犄角之詔許自新闢不聽
崇文取東川帝乃下詔奪其官進破鹿頭關遂下成都

闕從數十騎走至羊灌田自投水不能死騎將酈定進
禽之文若先殺其族乃自沈於江檻車送闕京師尚冀
不死。食飲自若。將至都。神策以兵迎之。係其首曳而入。
帝御興安樓受俘。獻廟社。徇於市。斬於城西南獨柳下。
子超郎等九人與部將崔綱皆伏誅。

高駢字千里。南平郡王崇文孫也。家世禁衛。幼頗脩飭。
折節為文學。與諸儒交。喜言治道。兩軍中人更稱譽之。
歷右神策軍都虞候。党項叛。率禁兵萬人戍長武。時諸
將無功。唯駢數用奇。殺獲甚多。懿宗嘉之。徙屯秦州。即

拜刺史兼防禦使。取河渭二州。略定鳳林關。降敵萬餘
人。咸通中。獠人叛。拜安南都護。於是容管經略使張茵
不討賊。更以茵兵授駢。駢過江。約監軍李維周。繼進。維
周擁衆壁海門。駢次峯州。大破南詔蠻。收所獲贍軍。維
周忌之。匿捷書不奏。劾駢玩敵不進。更命右武衛將軍
王晏權往代。俄而駢拔安南。斬蠻帥段酋遷。降附諸洞
二萬計。晏權方挾維周。檄駢北歸。而駢遣王惠贊傳酋
遷首京師。帝覽書。御宣政殿。羣臣皆賀。大赦天下。進駢
檢校刑部尚書。仍鎮安南。以都護府為靜海軍。授駢節

度兼諸道行營招討使始築安南城由安南至廣州江
漕梗險多巨石駢募工剗治由是舟濟安行儲餉畢給
加檢校工部尚書右僕射徙節天平其從孫潯從戰常
先登薦自代詔拜交州節度使僖宗立即其軍加同中
書門下平章事南詔寇雋州掠成都徙駢劍南西川節
度乘傳詣軍及劍門下令開城縱民出入時蠻攻雅州
壁廬山間聞駢至亟解去駢即移檄驃信勒兵從之驃
信大懼送質子入朝約不敢寇蜀之土惡成都城歲壞
駢易以埽甃陴堞完新負城丘陵悉壑平之以便農桑

進檢校司徒封燕國公徙荆南節度王仙芝敗殘黨過
江帝以駢治鄆威化大行且仙芝黨皆鄆人故授駢鎮
海節度使駢遣將張濬梁繼分兵窮討降其驍帥畢師
鐸數十人賊走嶺表帝美其功加諸道行營都統鹽鐵
轉運等使賊更推黃巢南陷廣州徙駢淮南節度副大
使駢繕完城壘募軍及土客得銳士七萬傳檄天下召
兵討賊威震一時天子倚以為重廣明初巢黨自嶺表
北趨江淮濬破賊大雲倉賊卻保上饒衆亡幾多疫死
濬進擊之巢大懼以金啗濬騰書於駢丐歸命駢信之

許為求節度。當此時，昭義武寧義武兵數萬赴淮南。駢欲專已功，即奏賊已破，不須大兵。有詔班師。巢知兵罷，即絕駢請戰，擊殺泚，乘勝渡江，攻天長。始巢在廣州求節度，宰相盧攜善駢，以有討賊功，不肯赦巢，與鄭畋爭於朝。故巢怨不得節度，而駢聞議不一，亦不平。至是欲縱賊以聳朝廷，然後立功。畢師鐸諫曰：「朝廷所恃唯公，今不據淮南扼賊要害，使得北渡，必亂中原。」駢矍然，下令將出師。嬖將呂用之畏師鐸有功，諫曰：「公勲業極矣，賊未殄，朝廷且有口語。」況賊平，挾震主之威，安所稅駕？

不如觀釁求福。駢入其計，託疾不出。嚴兵保境，巢據滁和去廣陵纔數百里，乃求援陳許。巢逼揚州，衆十五萬。駢將曹全晟以兵五千戰不利，壁泗州以待援。賊北趨河洛，使者促駢討賊，冠蓋相望。駢終無行意。俄而兩京陷，天子猶冀駢立功。眷寄未衰，進檢校太尉、東西都統。京西京北神策軍諸道兵馬等使。駢悉兵營東塘，日簡閱。如將赴難，仍托故還廣陵。帝知駢無出兵意，天下益殆。乃以王鐸代為都統，以崔安潛副之。詔韋昭度領諸道鹽鐵都運使，加駢侍中，增實戶一百，封渤海郡王。駢

失兵柄利權攘袂大詬即上書謾言不恭帝怒下詔切責駢都統三年無尺寸功幸國顛沛陰圖割據一旦失勢故肆為醜悖脅邀天子冀復故權會諸道平賊駢聞縮氣部下多叛去鬱鬱無聊乃篤意求神仙以軍事屬用之用之者按唐書高駢傳中附載呂用之事蹟致用之以妖妄惑駢駢之叛亂皆用之所為自應列名叛臣以協誅討之律而唐書卷目失載謹補注而並誌於此鄱陽人世為商儉既孤依舅家盜私其室亡命九華山事方士牛弘徽得役鬼術賣藥廣陵市因駢親將俞公楚得見駢署幕府稍補右職用之既少賤具知閭里利病吏得失頗言政事

駢愈器之乃日為誕妄以動駢又薦狂人諸葛殷張守一為長年方並署牙將駢造迎仙等樓皆高八十尺飾以珠玉侍女衣羽衣新聲度曲以擬鈞天薰齋其上祈與仙接用之自謂與仙真通而語言俚近懼有擿其姦者乃曰仙人當下但患學者真氣虧沮耳駢始棄人間事絕妾媵雖將吏不得見客至先遣薰濯詣方士祓除謂之解穢少選即引去自是內外無敢言者惟梁纘屢為駢言駢不聽纘懼解所領兵用之既自任淫刑重賦人人思亂乃擢廢吏百餘號察子伺察民間道路箝口

誅所惡者數百族。又募卒二萬為左右鎮邪軍。與守一分總。置官屬如駢府。用之每出入。騶御至千人。建百尺樓。託云占星。實窺伺城中之有變者。姬侍百餘。月二十宴。費不足。至苛留度支運物。誘人上變。許入貨產贖罪。俞公楚數規戒其失。不聽。姚歸禮謀殺之。弗克。二人皆以讒死。駢從子瀆密疏用之罪。請駢除之。駢怒殺瀆。嗣襄王煜之亂。駢上書勸進。偽假駢中書令。諸道兵馬都統。江淮鹽鐵轉運使。以用之為嶺南節度使。駢久缺望。至是大喜。貢賦不絕。用之始開府置官屬。禮與駢均矣。

以鄭杞董僅吳邁為腹心。駢之親信。皆逼使附已。政事未嘗關決。駢始悔。欲收其權。不能也。光啟三年。蔡賊孫

儒兵略定。遠聲言涉淮。壽州刺史張翺奔告。駢命畢師

鐸率騎三百戍高郵。師鐸者。

按唐書高駢傳中附載畢師鐸事蹟。攷師鐸本以賊

黨降駢而復叛。駢固非善類。自應列之叛臣。而唐書卷目失載。謹補注而並誌於此。曹州寬句人。

故仙芝黨。以善騎射稱。駢敗巢於浙西。用其力。故寵待

絕等。用之厚啖以利。不肯附。師鐸有美妾。用之請見。不

可。狙其出。觀焉。怒而棄之。內忿懼。為子結婚於高郵將

張神劍。陰以為援。朱全忠方攻秦宗權。駢慮其奔突。使

師鐸率兵踰都梁山。不見賊。還。師鐸見駢府宿將多以讒死。憂甚。用之益加禮。師鐸愈恐。謀於神劍。神劍不然其言。用之亦慮其變。欲除之。亟請罷屯。而駢子怒用之。專恣。覬師鐸與諸將發其姦。遣使謂師鐸曰。用之欲因此行圖君。既授書神劍矣。君其備之。師鐸以鄭漢璋常憤用之。率精兵在淮口。乃往諭以計。漢璋大喜。帥兵及亡命數千至高郵。見神劍。詰其變。神劍取酒割臂血而盟。推師鐸為大丞相。作誓告神。乃移檄州縣。以誅呂用之。張守一。諸葛殷為名。得勝兵三千。將發神劍中悔。繆

曰。公兵雖精。然城堅。旬日不下。則糧乏。衆心搖矣。神劍請按軍高郵。為公聲援。而督糧道。漢璋內忌神劍。勸師鐸許其計。其四月。兵傳城。城中駭亂。用之分兵守。且自督戰。駢聞大驚。召責用之。用之屢出戰。師鐸見城未下。求救於宣州秦彥。約事平。迎以代駢。彥遣秦稠率兵與師鐸合攻。益急。守陴者夜焚南柵。以應於外。師鐸入守。將張全迺戰死。用之距三橋。殺傷相當。駢從子傑率牙兵將執用之。以畀師鐸。左鎮邪復斷其後。用之懼。乃出奔。駢召梁纘。謝曰。初不用子計。以及此。庸何追。授以兵。

使保子城遲明。師鐸縱火大掠。駢乃命撤備。改服須其入。師鐸見延和閣。駢待之如賓。即署師鐸節度副使。漢璋神劍。以次授署。秦稠封府庫以待。師鐸去丞相號。誅用之支黨數十。使孫約迎秦彥。彥者。按唐書高駢傳後唐書卷目失載謹補注而並誌於此徐州人。本名立。隸伍籍。乾符中。以盜繫獄。且死。破械亡去。改名彥。聚徒百人。殺下邳令。取其貨。入黃巢黨中。既敗。與許勅降。駢累表和州刺史。中和初。宣歙觀察使竇滔病。彥襲而代之。師鐸之召彥也。或謂曰。足下誅妖人。羣下樂從。今軍府

已安。宜還政高公。足下身典兵。權在掌握。若令彥為帥。兵非足下有也。足下如厚德。彥宜以金王子女報之。勿聽渡江。師鐸以告漢璋。漢璋曰。善。師鐸出駢囚南第。秦稠麾下求無厭。燒貢奉樓數十楹。取珍寶。始駢自乾符以來。貢獻不入天子。皆貨山積。至是為亂兵所剽略。盡師鐸徒駢東第。禽諸葛殷。縊殺之。駢出金遺守者。師鐸知之。加兵苛督。復入囚署中。子弟十餘人同幽之。用之既出。以兵攻淮口。未下。鄭漢璋擊之。遂奔天長。初。用之詐為駢書。召兵於廬壽。城陷。而楊行密兵萬人。次天長。

用之歸之。張神劍求賂於師鐸，辭以彥未至。神劍怒，與別將高霸將攻師鐸。彥自將入揚州，稱節度使。以師鐸為行軍司馬。時楊行密與神劍等連和，自江北至槐家橋，柵壘相聯。彥登城望之色沮，乃授鄭漢璋、唐宏等兵屯門。稠及師鐸以勁卒八千出戰，大敗。稠死之。彥出金求救於蘇州刺史張雄，雄引兵至東塘，得金不戰去。彥使師鐸率兵三萬陣城下。漢璋為前鋒，宏次之。駱玄真樊約又次之。師鐸王朗以騎為左右翼，既成列，行密乃出。委輜重於壁，以羸兵守之。伏精兵數千其旁。行密先

犯玄真，短兵接。偽北師鐸諸軍奔其壁，爭取金玉貨糧。伏謀而出，行密引輕兵躡其尾。師鐸等奔還，玄真戰死。師鐸雅倚玄真，驍敢能拒敵。既死，惋沮彌日，不復議出戰矣。駢久囚，拘供億窘狹，羣奴徹延和閣，闌楯為薪，煮革帶以食。師鐸既敗，慮駢內應，命陳賞等往殺之。左右奴客遁歸，行密行密舉軍縞素大臨，獨用之。縗服哭三日。彥屢敗，軍氣摧喪，與師鐸抱膝相視，無它略。彥遣漢璋擊神劍，破之。神劍奔高郵。漢璋欲窮追，會大雨，還。行密以城尚堅，師且老，議解去。用之裨將晨伏兵西濠，伺

守者休代引而登殺數十人於門以招外兵守軍亦厭苦皆委兵潰師鐸與其家及彥奔東塘人爭出相騰藉死王朗踣而殞行密既入殺梁繼於牙門以不死高氏難韓問聞之赴井死彥師鐸與唐宏倪詳焚白砂將渡江會秦宗權使孫儒引兵三萬襲揚州次天長彥等與之合還攻行密取行密輜重牛羊數千計儒以食乏乃屠高郵據之張神劍奔還而高郵戍兵七百潰而來行密疑有謀悉擊殺之因殺神劍用之始詐行密曰廡下有瘞金五千斤事平願備一日乏行密掘地無埋金但

得銅人三尺身桎梏釘刺其口刻駢名於背蓋用蠱厭駢也行密責其罪與張守一並斬於三橋妻子皆死儒攻城未得志慮彥師鐸有異謀稍并其兵唐宏度不免告儒曰師鐸密遣人至汴儒大恐明日召彥師鐸漢璋會軍中彥師鐸先至壯士捽之至儒所儒質以反駢罪皆斬之漢璋至奮臂擊殺數人乃死身首糜散儒使宏主騎兵厚賜之文德元年儒謀知行密糧乏自高郵襲之行密拔其衆還廬州儒遂據揚州駢之死裒以故氈與子弟七人一坎而瘞行密擢駢孫愈為副使令主喪

事未克葬。愈暴死。至是故吏鄜師虔收葬之。揚州雄富冠天下。自師鐸行。密儒迭攻迭守。焚市落。剽民人。兵饑相仍。其地遂空。

朱玫。邠州人。少以材武為州戍將。黃巢盜長安。偽節度使王玫方調兵攻陽事之。乘間斬王玫。以留後讓李重古。約合兵討巢。廣明二年。攻襲賊。戰開遠門。槍洞咽不死。以功擢晉州刺史。進邠寧節度使。賊平。授同中書門下平章事。封吳興侯。田令孜議討王重榮。以兵屬玫。玫恥為令孜用。戰輒北。因縱軍還掠。僖宗蒼黃幸鳳翔。避

其鋒。玫反。與重榮李克用連和。請誅令孜。宰相蕭遘密召玫迎帝。玫趨鳳翔。令孜劫乘輿走陳倉。遂至興元。玫追不及。劫嗣襄王煜奉為帝。玫自號大丞相。專決萬幾。始與李昌符共謀挾煜。至是反為讎。昌符乃自歸天子。人心寢離。及王行瑜敗於大唐峯。懼歸。見殺。又聞購得玫者。即昇以邠寧節度。行瑜即勒兵倍道趨長安。玫居孔緯第。方據几。署事。行瑜遽入斬之。殺其徒數百。諸軍遂大亂。燒京師。時盛寒。吏民被剽。斃僵尸相藉。即傳首興元。宦者偽樞密使王能著等皆坐誅。

王行瑜邠州人少隸軍從朱玫為列校討黃巢數有功
煜即偽位授行瑜天平節度使令率兵守大散關為李
鋌所破即奉欵行在還取玫首以獻擢邠寧節度使景
福元年與李茂貞韓建及弟同州節度使行實請假茂
貞招討使討楊守亮於山南宦官難之昭宗亦懼茂貞
難制不許行瑜等因擅興軍擊取之後茂貞拒覃王殺
宰相行瑜與有力得賜鐵券遂跋扈求為尚書令宰相
韋昭度執不可但加號尚父行瑜望甚會河中王重榮
死其子珂李克用壻也故克用請以珂嗣節度而行瑜

及建茂貞請授王珙

原訛作拱今據通鑑改正謹識

因以兵陳闕下欲

廢帝立吉王不克即殺昭度李谿留弟行約宿衛克用
悉兵渡河問行瑜等罪行實棄同州趨長安與行約謀
劫乘輿又不克皆奔邠州行瑜築梨園砦克用與戰破
行實等軍俘其母及行瑜子詔削行瑜官爵行瑜以銳
卒五千營龍泉鎮茂貞壁其西克用夜發精騎擾饗道
岐軍走行瑜歸邠州嬰城守厚賂克用求自歸克用軍
環其城行瑜窮悉族奔慶州為麾下斬於路傳首京師
克用並俘其屬二百人獻於朝

陳敬瑄田令孜兄也少賤隸左神策軍令孜為護軍中尉敬瑄緣藉擢左金吾衛將軍檢校尚書右僕射西川節度使性畏慎善撫士黃巢亂僖宗幸奉天敬瑄夜召監軍梁處厚號慟奉表迎帝繕治行宮令孜亦倡西幸敬瑄以兵三千護乘輿冗從內苑小兒先至敬瑄嫉其暴橫遣邏士捕繫五十人尸諸衢由是道路不譁進檢校左僕射同中書門下平章事奉行在百官諸吏無敢乏帝欲命判度支固讓再加檢校司徒兼侍中封梁國公以弟敬珣為閬州刺史討定邛州首望旣能涪州叛

校韓秀昇再進兼中書令封潁川郡王實封四百戶賜鐵券恕十死巢平進潁川王增實戶二百車駕東敬瑄供億甚豐又進檢校太師俄令孜得罪敬瑄流端州昭宗立召為左龍武統軍以宰相韋昭度代領節度使者至敬瑄拒詔令孜勸敬瑄募黃頭軍為自守計時王建盜據閬利故令孜召建建至綿州敬瑄復以其難制發兵拒之激建攻諸州以限朝廷建入漢州成都嚴守建走城下遙謝令孜曰父召我及門而拒我尚誰容今作賊矣因請兵於顧彥朗攻成都殘掠州縣彥朗畏建表

請大臣代敬瑄。建亦自請討敬瑄贖罪。詔立永平軍。授建節度使。以昭度為行營招討使。山南西道節度使楊守亮副之。彥朗為行軍司馬。有詔暴敬瑄殺孟昭圖罪。削官爵。昭度使建屯學射山。敬瑄迎戰不克。又戰蠶崖。大敗。建昭度傅城而壘。簡州刺史張造攻笮橋。大敗死之。大順元年。建稍擊降諸州。敬瑄戰浣花不勝。明日復戰。將士皆為建俘。明年三月。詔還敬瑄官爵。召昭度還。諭建罷兵。建不奉詔。帝更以建為西川行營招討制置使。建知敬瑄可禽。欲遂有蜀地。即脅昭度還京師。而燒

絕棧梯。東道不通。因急擊敬瑄。分親騎為十團。所當輒披靡。烽塹相望。縱謀入城。以搖衆心。圍凡三歲。城中糧盡。敬瑄出家資給民。募士出剽麥。收其半。民亦夜至。建壘市鹽。不可禁。敬瑄自將出犀浦。列二營邀建。建軍偽遁。遇伏。敬瑄敗。建破斜橋。咎街二屯。明日戰。又破一壁。降其將。敬瑄諸將或死或降。且盡。凡五十戰。敬瑄皆北。乃上表以病丐還京師。令孜素服至。建軍約和。建入自西門。囚敬瑄。令孜而自稱留後。表於朝。詔以建為西川節度副大使。知節度事。累表請誅敬瑄。不報。景福二年。

陰令左右告敬瑄令攷養死士約楊晟等反於是斬敬瑄於家同日縊殺令攷自是建盡有兩川黔中地李巨川字下已逢吉從曾孫乾符中舉進士河中王重榮辟為掌書記重榮討黃巢書檄奏請日紛沓皆屬巨川文思敏速言輒中理會賊走重榮收京師巨川有助力重榮死於亂貶為興元參軍節度使楊守亮喜其至復管記室守亮為韓建所禽巨川械以從題木葉遣建祈哀建動容因釋縛置幕府昭宗幸華建患一州供億不能濟使巨川傳檄天下請助轉餉初建惡諸王典兵

不利已與巨川謀即上變告八王欲脅帝幸河中因請

令歸十六宅

按十六宅為諸王教讀之所建之囚諸王自係別第非十六宅也唐書本傳誤作囚

十六宅今據通鑑改正謹識

選嚴師傅督教盡散麾下兵懼帝不從

以兵圍行宮表疏再上帝不得已詔可又忌行營將李

筠扈從有功奏誅之

據通鑑增輯

又請召諸王將命四方者

悉赴行在巨川日夜導建不臣既幽諸王別第知帝不

悅據通鑑增輯

乃請立德王為皇太子文掩其惡帝還京拜

諫議大夫光化初朱全忠陷河中將攻潼關建懼使巨

川納款至河中因言當世利害全忠屬官敬翔以文翰

按原文作囚之十六宅今依通鑑改正謹加案聲明

見知疑巨川用則全忠待已或衰乃詭說曰巨川誠奇
才顧不利主人若何是日全忠殺之

